

REGIONAL NEWS UNIT
ALL INDIA RADIO, AGARTALA

Date: 19-04-2025

Time: 07:55-08:05 PM Hrs
BENGALI EVENING BULLETIN

Headlines :

- (১) অর্থমন্ত্রী প্রণজিৎ সিংহ রায় বলেছেন, রাজ্য সরকার স্বচ্ছতার সঙ্গে সরকারি চাকরি প্রদান করছে।
- (২) কেন্দ্রীয় স্বরাষ্ট্র মন্ত্রী অমিত শাহ বলেছেন, প্রধানমন্ত্রী নরেন্দ্র মোদীর নেতৃত্বে গত ১১ বছরে স্বাস্থ্য পরিকাঠামো উল্লেখযোগ্যভাবে বৃদ্ধি পেয়েছে।
- (৩) উত্তর-পূর্বাঞ্চলের তরুণদের উচ্চশিক্ষায় সুযোগ পাবার ক্ষেত্রে প্রশংসনীয় উদ্যোগে নিয়েছে আসাম রাইফেলস।
- (৪) প্রতিরক্ষা মন্ত্রী রাজনাথ সিং বলেছেন, প্রধানমন্ত্রী নরেন্দ্র মোদীর নেতৃত্বে দেশে নতুন ক্রীড়া সংস্কৃতি গড়ে উঠেছে।
- (৫) ধর্মনগরের বি বি আই মাঠে আজ থেকে পাঁচ দিনব্যাপী বই মেলা শুরু হয়েছে।

Offer Distribution Ceremony :

অর্থমন্ত্রী প্রণজিৎ সিংহ রায় বলেছেন, রাজ্য সরকার টি.পি.এস.সি, জে.আর.বি.টি. বা অন্যান্য সংস্থার মাধ্যমে স্বচ্ছতার সাথে বেকার যুবক-যুবতীদের মধ্যে সরকারি চাকুরি প্রদান করছে। আজ আগরতলার গোখাঁবস্থিস্থিত খাদ্য দপ্তরের কনফারেন্স হলে নতুন ১১ জন স্মল সেভিংস ইনস্পেক্টরের মধ্যে অফার প্রদান অনুষ্ঠানে তিনি একথা বলেন। তিনি বলেন, টি.পি.এস.সি-র মাধ্যমে এই পদে নিয়োগ করা হয়েছে।

চিটফান্ড ও মাইক্রো ফিনান্স সংস্থার প্রসঙ্গ উল্লেখ করে অর্থমন্ত্রী বলেন, বর্তমান সরকার ক্ষমতায় আসার আগে চিটফান্ডে বহু মানুষ প্রতারিত হয়েছেন। ভারত সরকারের নির্দেশ অনুযায়ী তাদের সম্পত্তি অকশন করে এর অর্থ সরকারের অ্যাকাউন্টে জমা রাখা হচ্ছে। পরে তাদেরকে ফিরিয়ে দেওয়ার প্রচেষ্টা নেওয়া হবে।

JEE Result :

ন্যাশনাল টেস্টিং এজেন্সি এবছরের জয়েন্ট এন্ট্রান্স এক্সামিনেশন মেইন্সের দ্বিতীয় পর্বের পরীক্ষার ফলাফল আজ প্রকাশ করেছে। দ্বিতীয় পর্বে পরীক্ষায় বসে ছিল মোট নয় লক্ষ বিরানব্বই হাজার ৩৫০ জন পরীক্ষার্থী। এবছর জানুয়ারি ও এপ্রিল মাসে দুই দফায় পরীক্ষা নেওয়া হয়। যে সমস্ত পরীক্ষার্থীরা দুটি পর্বেই পরীক্ষায় বসে ছিল, তারা যে পরীক্ষাটিতে সর্বাধিক নম্বর পেয়েছে, চূড়ান্ত মেধা তালিকা প্রস্তুতির সময় সর্বাধিক নম্বরটিকেই বিবেচনা করা হবে।

TBSE Result :

ত্রিপুরা মধ্যশিক্ষা পর্ষদের মাধ্যমিক এবং উচ্চমাধ্যমিক পরীক্ষার উত্তরপত্র মূল্যায়নের কাজ আগামী মঙ্গলবার অর্থাৎ ২২শে এপ্রিলের মধ্যে শেষ হবে। মধ্যশিক্ষা পর্ষদের সভাপতি ধনঞ্জয়গন চৌধুরী জানান উত্তরপত্র মূল্যায়নের কাজ শেষ হওয়ার ১৫ দিনের মধ্যে পরীক্ষার ফলাফল ঘোষণা করা হবে।

TBJEE :

ত্রিপুরা বোর্ড অফ জয়েন্ট এন্ট্রান্স এক্সামিনেশন পরিচালিত এ বছরের জয়েন্ট এন্ট্রান্স পরীক্ষা আগামী ২৩শে এপ্রিল বুধবার অনুষ্ঠিত হবে। এ বছর মোট ৫২৯৬ জন পরীক্ষার্থী রাজ্যের ১৫টি কেন্দ্রে পরীক্ষায় বসবে। এদের মধ্যে ২৫১৫ জন ছাত্র এবং ২৭৮১ জন ছাত্রী। এবার পশ্চিম ত্রিপুরা

জেলায় আটটি পরীক্ষা কেন্দ্র এবং বাকি সব জেলাতে একটি করে পরীক্ষা কেন্দ্র রাখা হয়েছে। ত্রিপুরা জয়েন্ট এন্ড্রাঙ্ক বোর্ড থেকে আজ এ সংবাদ জানানো হয়েছে।

World Liver Day :

কেন্দ্রীয় স্বরাষ্ট্র মন্ত্রী অমিত শাহ বলেছেন, প্রধানমন্ত্রী নরেন্দ্র মোদীর নেতৃত্বে গত ১১ বছরে স্বাস্থ্য পরিকাঠামো উল্লেখযোগ্যভাবে বৃদ্ধি পেয়েছে। আজ নতুন দিল্লিতে ইনস্টিটিউট অফ লিভার অ্যান্ড বিলিয়ারি সায়েন্সেস আয়োজিত হেলদি লিভার - হেলদি ইন্ডিয়া অনুষ্ঠানে বক্তব্য রাখতে গিয়ে তিনি একথা বলেন। তিনি বলেন, স্বাস্থ্য বাজেট ২০১৪ সালে ৩৭ হাজার কোটি ছিল বর্তমানে তা বেড়ে দাঁড়িয়েছে ১ লক্ষ ২৭ হাজার কোটি টাকা। লিভারের রোগ সম্পর্কে জনসচেতনতা বৃদ্ধির উপর তিনি গুরুত্ব আরোপ করেন। স্বাস্থ্যকর খাদ্য, পর্যাপ্ত ঘুম এবং নিয়মিত ব্যায়ামের উপরও তিনি বিশেষ জোর দেন।

#####Byte- Amit Shah#####

Power Tiller :

ভারত সরকারের "সাব-মিশন অন এগ্রিকালচারেল ম্যাকেনাইজেশন" এর আওতায় আজ কৈলাশহরের চন্ডীপুর ব্লক কার্যালয় প্রাঙ্গণে কৃষিকাজের জন্য ১ লক্ষ টাকা ভর্তুকি মূল্যে ৮টি পাওয়ার টিলার প্রদান করা হয়। এই উপলক্ষে আয়োজিত অনুষ্ঠানে উপস্থিত ছিলেন, চন্ডীপুর পঞ্চায়েত সমিতির, চেয়ারপার্সন শম্পা দাস পাল, ভাইস চেয়ারম্যান বিনয় সিংহ প্রমুখ।

Waves Create in India :

ওয়েভস ২০২৫-এর 'ক্রিয়েট ইন ইন্ডিয়া চ্যালেঞ্জ সিজন-ওয়ান-এর অংশ হিসাবে অনুষ্ঠিত অ্যানিমেশন ফিল্ম মেকার্স প্রতিযোগিতার চূড়ান্ত

প্রতিযোগীদের নাম ঘোষণা করা হয়েছে। অ্যানিমেশন, ভিএফএক্স, অগমেন্টেড রিয়েলিটি, ভার্চুয়াল রিয়েলিটি এবং ভার্চুয়াল প্রোডাকশন সহ অ্যানিমেশনের উপর সেরা ৪২টি প্রজেক্ট চূড়ান্ত পর্যায়ে পৌঁছেছে। এই অংশগ্রহণকারীরা এখন তাদের মূল প্রজেক্টগুলি তুলে ধরার সুযোগ পাবে ওয়েভ শীর্ষ সম্মেলনে। যা পয়লা মে থেকে চৌঠা মে মুম্বাইয়ে অনুষ্ঠিত হবে।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

Assam Rifles Mock Test :

উত্তর-পূর্বাঞ্চলের তরুণদের উচ্চশিক্ষায় সুযোগ পাবার ক্ষেত্রে সহায়তার জন্য একটি প্রশংসনীয় উদ্যোগে নিল আসাম রাইফেলস। আসাম রাইফেলসের তেলিয়ামুড়া কার্যালয়ে আজ ন্যাশনাল ইন্টিগ্রিটি অ্যান্ড এডুকেশনাল ডেভেলপমেন্ট অর্গানাইজেশন - NIEDO সেন্টারের মাধ্যমে NEET পরীক্ষার্থীদের জন্য একটি মক টেস্ট অনুষ্ঠিত হয়।

আসাম রাইফেলসের সহযোগিতায়, উত্তর-পূর্বাঞ্চলের প্রতিভাবান এবং যোগ্য শিক্ষার্থীদের NEET এবং JEE-র মতো প্রতিযোগিতামূলক পরীক্ষায় উত্তীর্ণ হতে সহায়তার উদ্দেশ্যে বিনামূল্যে কোচিং এবং একাডেমিক সহায়তা প্রদান করছে NIEDO. এই মক টেস্টে স্থানীয় বিপুল সংখ্যক শিক্ষার্থী অংশ গ্রহন করে। বেসামরিক-সামরিক সহযোগিতায় এই উদ্যোগটি বিশেষত প্রত্যন্ত অঞ্চলের যুবকদের তাদের লক্ষ্য ও আকাঙ্ক্ষা পূরণের সহায়তায় আসাম রাইফেলসের প্রতিশ্রুতির এক প্রতিফলন। গ্রামীণ এলাকার তরুণদের তাদের উজ্জ্বল ভবিষ্যত গঠনের সুযোগ দিতেই আসাম রাইফেলস এই প্রয়াস।

Pakage Story-Bee :

রাজ্যে বর্তমানে বহু মৌমাছি প্রতিপালক রয়েছেন। যাঁরা সরকারি সাহায্য এবং সহযোগিতা নিয়ে মৌমাছি চাষ করে জীবিকা নির্বাহ করছেন। তবে নতুন প্রজাতির মৌমাছির চাষ বাণিজ্যিকভাবে রাজ্যে শুরু হলে রাজ্যের আর্থ সামাজিক ব্যবস্থার অনেকটাই অগ্রগতি হবে। এই নিয়ে একটি প্রতিবেদন।

#####VC#####

Sansad Khel Mahakumbh 2025 :

প্রতিরক্ষা মন্ত্রী রাজনাথ সিং বলেছেন, প্রধানমন্ত্রী নরেন্দ্র মোদীর নেতৃত্বে দেশে নতুন ক্রীড়া সংস্কৃতি গড়ে উঠেছে। আজ লখনৌতে সংসদ খেল মহাকুম্ভের উদ্বোধনী অনুষ্ঠানে তিনি একথা বলেন। তিনি বলেন, সরকারের এই ক্রীড়া-বান্ধব নীতি গ্রহণের ফলে ছোট শহরগুলির তরুণরা নিজেদের প্রতিভা প্রদর্শনের সুযোগ পাচ্ছে। প্রায় ১,০০০ খেলো ইন্ডিয়া কেন্দ্রে হাজার হাজার খেলোয়াড় প্রশিক্ষণ নিচ্ছেন। শ্রী সিং বলেন, সরকার ২০৩৬ সালে গুজরাটে অনুষ্ঠিতব্য অলিম্পিক গেমস আয়োজনের জন্য সর্বাত্মক প্রচেষ্টা চালাচ্ছে। একইসঙ্গে ভারতে অন্যান্য বিশ্বমানের গেমস আয়োজনের জন্যও চেষ্টা চালাচ্ছে।

#####Byte–Rajnath Singh#####

Book Fair :

উত্তর জেলা প্রশাসনের ব্যবস্থাপনায় ধর্মনগরের বি বি আই মাঠে আজ থেকে পাঁচ দিনব্যাপী বই মেলা শুরু হয়েছে। উদ্বোধন করেন রাজ্য বিধানসভার অধ্যক্ষ বিশ্ববন্ধু সেন। উদ্বোধনী অনুষ্ঠানে পৌরহিত্য করেন ধর্মনগর পুর পরিষদের চেয়ারপার্সন মিতালি রানি সেন দাস। মেলা চলবে ২৩শে এপ্রিল পর্যন্ত।

One Nation one Election :

বিলোনিয়ায় বিজেপির দক্ষিণ জেলা কার্যালয়ে আজ এক দেশ এক নির্বাচন বিষয়ে মত বিনিময় সভা অনুষ্ঠিত হয়। বক্তব্য রাখেন বিধায়ক প্রমোদ রিয়াং, মাইলাফু মগ ও স্বপ্না মজুমদার, বিজেপির প্রদেশ সহ-সভাপতি তাপস ভট্টাচার্য, জেলা সভাপতি দীপায়ন চৌধুরী প্রমুখ।

BARSH BARAN–Gomoti :

অর্থমন্ত্রী প্রণজিৎ সিংহ রায় আজ সন্ধ্যায় উদয়পুরে বর্ষবরণ উপলক্ষে কল্যাণ শোভাযাত্রার উদ্বোধন করেন। গোমতী জেলা প্রশাসন, জিলা পরিষদ, উদয়পুর পুর পরিষদ, তথ্য ও সংস্কৃতি দপ্তরের যৌথ উদ্যোগে শোভাযাত্রাটি শুরু হয় উদয়পুর স্পোর্টস গ্রাউন্ড প্রাঙ্গণ থেকে। উপস্থিত ছিলেন বিধায়ক অভিষেক দেবরায় ও জীতেন মজুমদার, গোমতি জিলা পরিষদের সভাপতি দেবল দেবরায়, উদয়পুর পুর পরিষদের চেয়ারম্যান শীতল চন্দ্র মজুমদার প্রমুখ।

Weather :

আগামী ২৪ ঘন্টায় রাজ্যের সব জেলায় বিক্ষিপ্তভাবে বজ্রবিদ্যুৎ সহ বৃষ্টি ও ঘন্টায় ৩০ থেকে ৪০ কিলোমিটার বেগে ঝড়ো হাওয়া বয়ে যাওয়ার সর্তকতা জারি করেছে আবহাওয়া দপ্তর। আগামীকাল তাপমাত্রা সর্বোচ্চ ৩১ ডিগ্রী সেলসিয়াস এবং সর্বনিম্ন ২৪ ডিগ্রি সেলসিয়াসের কাছাকাছি থাকতে পারে। আজ দিনের সর্বোচ্চ তাপমাত্রা ছিল ৩৩ ডিগ্রি সেলসিয়াস এবং সর্বনিম্ন ২৩ ডিগ্রি সেলসিয়াস।
